


舒梓溪全集 十一之二



漢書門類		一〇四一七號	七函	一四冊
------	--	--------	----	-----

內閣文庫		漢書	一〇四一七號	七函	一四冊
------	--	----	--------	----	-----

內閣文庫		
番號	漢	10417
冊數	14 ( 7 )	
函號	316	159







舒梓溪先生全集卷十一

淺草文庫

明翰林院脩撰進賢舒芬著

孫舒琛輯錄

後學豫章漆彬校刊

西甌趙秉忠同校

外集卷十一

賦二首  
四言古詩八首

樂府五首  
五言古詩十一首

七言古詩五首  
五言律詩十二首

賦類



白鹿洞賦次朱晦庵韻

設吳楚之兩戒鎮江黃之故疆維匡山之偉觀屹  
頽波之忠良迄敷淺於彭蠡懲險束夫瞿塘有陂  
有濕有澗有岡歷姚虞而迄周罔或烈而遂荒肆  
洞天之幽間鬱草樹而臭芳終名勝之莫掩肇宮  
宇而膠庠屬鴻儒之起廢濟後學之望洋適奎躔  
之聚輝贊斯文而啓運敬義揭以直指老佛闢而  
莫混士知方以有來或于馬而繫遯予茲仰門墻  
而摳衣隸也跋峰巒而頻間聆石泉三折而東之  
諒前途伊邇可勇進雲相隨乎其若有心鳥相依

乎其若不倦感農夫之刈麥嬉引雛而弄孫奚真  
朴之難復可於此而尚論既乃度漱石之新梁觀  
華扁之大書欽 皇明之賁飾匪淳熙之舊模

聖像儼乎可畏規言炳乎足誦曰既及乎其門敢  
不繩夫步趨嗟孔道之再興惟太極之一圖爰定  
性於伊洛亦訂頑於橫渠視主靜與慎動尚窺壁  
而循除闡千古之幽秘圖與易而契符謂朱夫子  
之渾然猶樂大成之既集迹窮理於庶物真乾健  
而巽入顧俾小子之務茲懼夫勉行之不給矧危  
微之墜緒烏記誦之能緝天既設夫我中聖又示



之時習胡茸白首之紛如湏圖大者之先立庶據  
依之有地斯射御之可執矢自今而惕勵力恒千  
於人十亂曰八音宮縣曼玉璆兮聲出林木難爲  
繆兮千載一時白鹿遊兮其峙爲山水爲其流兮  
悠悠未艾我能無憂兮日月逝矣亦敏求兮

翰音賦

一雛之微仁體以歲一卵之尸地濁天清維若雞  
者積陽所營古亦有言火德之精匪神變化如龍  
之靈匪兆文明如鳳之禎爰備五德亶拔衆生凡  
物以色名也雞則歲蕤雛稊黝皇犁駢麗乎匪若

鴉之烏鷺之白鳩之青翡之翠可以一色而名凡  
物累於形也雞則羽以種異趾以歲增窅乎無若  
龜之毛兔之角蛇之足蟹之腸而不可以累乎其  
形凡物多爲風氣之所撓也雞則小健大鷦鷯伏  
雄鳴究于鬼方等於帝京裕乎匪若鴈之南燕之  
北雉雒之濟杜鵑之洛非其地之風氣而不敢撓  
凡物多惟天時之迎也雞則晨焉斯職而不知風  
雨之晦冥跪焉自食而不知霜雪嚴凝順乎匪若  
鶯之於春蟬之於秋反舌之于夏鶡鳴之於冬固  
惟天時之是迎斯義文列之于象卦而其石著之



星經若夫列職禮官呼旦釐成清韻遠響咸叶韶  
龔穿揚乎闕陛飛越乎宮屏警吾君之安寢勞同  
夜之忡怔抑蒼蠅之營營豈飛虫之亮亮載聽三  
號漏盡鐘鳴眈庭燎之有光聞鸞和之鑑鉤肆九  
重之洞開顧百工之既盈端冕旒以肅視垂黻纘  
以統紘於咨臺諫允俞公卿別忠邪治農兵修洪  
範典家刑去澆偽敦太平茲豈賢妃之所能警戒  
寔由一邪旦氣之虛明則雞之功於是可銘也若  
夫士人君子牖龕樞繩窮年卒歲敝榻孤檠氣少  
帥而鬱紆思有時而憊騰曲肱假寐警枕無能一

有聞于咿喔乃束衣而載興孳孳一念惟善是誠  
於是窒情竇啓靈荷性以定慮以澄私邪滌萬理  
瑩道心著天真呈無斲亦保戰戰兢兢牛羊不得  
至於枯亡鴻鵠絕意於繳繒茲夜氣之無疵類聖  
教之可升駸駸乎大舜之徒慥慥乎軻書示之法  
程則雞之功於是爲可稱也厥或野曠荒悲旅次  
寂寞敗壁頽垣霜垂露零遠人昧乎夜奔孤客怯  
乎宵征更籌長短而難定世路險阻而難行孳祛  
徬徨不于晷町忽喏喏之有聞定摇摇之心旌束  
裝并炊覓儔拉朋星披林麓霧冒郊垆說岐路之



東西計功日之甲庚燐悠悠而弗懼犬狴狴而弗  
驚既舉足而十里於大明之方昇顧後則苦於追  
逐爭先則畏乎伶仃則雞之功於是爲可稱又或  
仁人孝子眷眷親庭上莞下簟恃怙已寧念白髮  
之種種猶風焰之殘燈知來日之幾何歌頃刻之  
忘情中夜無寐日眷心怍審安節於內豎語喁喁  
而譽譁欣勳軒而若甜乃側身而屏營俄膠膠而  
到耳覺老夢之初醒於是盥漱櫛緹端鞞冠纓左  
右佩用容臭心并擬適所而塞帷習下氣而怡聲  
問衣衾之燠寒恐志意之罔承或疾痛之與痒疴

敬搔抑而得重輕苟父母乎未順若負罪而愷怩  
茲晨省之常禮雖古今之相仍獨文王乎能舉疑  
衆人之庸亦有未曾則雞之功於是爲可徵嗚呼  
繫一物之眇眇幹人心之惺惺固匪與乎提撕巧  
有類乎弼丞宜知己者寘之於圖畫人固不得祇  
以充庖之一牲

詩類

四言古詩

問太極先儒言太極理也陰陽氣也五行質也  
太極函三理固維主孰曰形氣有待二五



問陰陽

陰陽有儀猶卦有象象不止八儀胡云兩

問五行

五氣順布土居火後四季之說何其悠謬冬春之際  
土亦定位後天周流艮坤其配蓋水生木氣則土承  
火之生金土亦與能木金所生則以形化土於其間  
無少假借

問性理

渾淪曰性分析曰理古訓雖多要在心体善惡剛柔  
中焉而止五行各一惟周直指孟云善者知仁義禮

此專理言三辨有以理氣合并性始可名心惟斯統  
知覺虛靈理發為才氣發為情日用不差斯道以形

問道

道在宇宙氣亦罔離發育萬物主張者誰喜怒哀哀  
親義序別可知可能聖凡同轍要其至者範圍天地  
王作聖造非賢可議道体難言心學有傳精一執中  
萬古同然

問中庸

曰中難能在聖亦庸曷不觀諸舜武周公揖遜征伐  
時焉而已不在其位作非得已



問周禮

灝灝周禮百王憲章教典多訛冬官未亡經禮三百  
正謂此書儀禮作經是誰過與程子之言魯生之意  
汲汲皇皇當不如是

問濂溪

元公聖人二程幾背曰圖與書匪朱幾晦意盡於圖  
言盡於書謂孔孟間知德惟類

樂府

青青麥

棗林泊舟登岸觀麥時四月而麥尚青也賦

青青麥二首

青青麥四月天平田萬頃浮綠烟農家鉅艾翹首待  
風苗露粒珠璣圓

青青麥麥未黃萬家兒女飢肚腸莫將空釜辱新火  
煮豆啜水終斜陽

枝上鳥禱言

一鱗與一池一鳥與一枝乃知世上人出處皆天爲  
亦無無臣君亦無無夫妻請看枝上鳥分明天定時

牧童謠

我牛口甚肥我牧草亦茂今日盡齧之明朝綠依舊



一日不放牛草長已齊脰豈是春風和吹噓物自阜  
漁舟對酌

食魚食腹腴飲酒飲酪漿腹腴無骨鯁酪漿不醒狂  
浩歌蓼花灘此是桃源鄉

五言古詩

襍詩三首

高秋風氣涼入樹聲更悲涼氣凌絺紵悲聲起離思  
良人成浪子泛宅龍江湄寒蟬送哀韻山木無榮枝  
仰嘆望明月今夜如何其

機杼早倚壁促織更相勸日暮急傳燭了此殘針線

輕風穿窓櫺不覺一聲嘆藁帖在金陵歌舞誰庭院  
願身為衾裯寒至君自戀

蜻蛚鳴堦前蟋蟀依我床一夕不成寐九迴勞枯腸  
孤燈壁影影欲滅還復光照人豈無心焰短怯夜涼  
披衣更起坐廢興為文章

題同年張時涵愛日東歸卷

倒影不可繫桑榆還幾枝豈無桃李華媚此諛草姿  
秋露珠垂垂荆苗忽離離北堂思陰滋那受塵鞅羈  
脫脫糊口計逐逐平步輝養志古如此秉燭徒來茲  
我親髣雙瞠我遊天一涯感激相衷肺若和裘南詩



嘆梅花

感發寒宇宙百芳如避秦山有墻頭梅朶朶爭精神  
豈伊好清冷凌此霜雪晨托根自異時難追桃李隣  
一寒已到骨顏色猶自新雖云好顏色常落在風塵  
偶逢謫仙醉呼之花丈人更遇逋仙來結爲知己親  
謂我有古操可與君子倫中含一點仁主張天下春

送潘膳部時雨復之南京

塞草雨露少不待秋聲黃胡雛來牧馬自古以爲常  
漢家二三將恃國勢盛強興帥一十萬欲夾華夷防  
一戰飛將殺再戰貳帥降激怒武皇肝絕漠勝龍驤

天威震殊俗無外奔賢王軍需三十年農人廢耕耒  
輪臺不悔詔社稷幾擾攘搜粟命都尉富民候田郎  
漢業乃復定漢祚乃復長乃知帝王治不治犬與羊  
爲何于今人遠略不監商引君匪仁義衮冕下戎行  
誰能討此葦津淪亂賊當我將鼓其中舉旗陣堂堂  
潘子惡無禮鳥逐志飛揚默然別知己孤棹還建康  
南方有竒士好音爲我將莫爲太平憂紀綱在廟廊

程孀婦

記得嫁來時朱鉛猶未落夫婿遽淪棄乃知妾命薄  
綺窓燈影寒淚血應誰托辛勤撫孤兒一脉存宗拓



三綱本天秩所賴君子作賤妾何有無仰與此心合  
人情歡有節孰有甘苦惡遭逢數云然亦求無愧忤

守歲次蘇長公韻二首

竟夕費燈燭恐如護驚蛇無衣可牽挽有路欲邀遮  
縱然守得住如此霜雪何四座聞我言相顧寂不譁  
欠伸埃鐘鳴闐然將鼓撾意欲放令去東風雨脚斜  
佳氣動虹翠往事從蹉跎冉冉勿傷感健者還矜誇

又

故人適千里臨別尚遲遲人行從可復歲行那可追  
問歲安所之遠在天一涯已逐東流水赴海歸無時

東隣酒初熟西舍彘亦肥且爲一日歡置此窮年愁  
勿嗟舊歲別行與舊歲辭去去勿回顧還君老與衰

把劍問答送方時雨

問君把長劍臨岐欲何之輝光日色薄秋風况淒其  
屠龍諒自貴豈用割雞爲君言縉雲去行李聊以隨  
神武雖不殺藉手輕囊雖誰有所不平待借上方時

牧馬詞送孫節半之通州領馬政

將軍不離鞍怕有偏帥侵所以買死骨輕此千黃金  
春風狼山陰春草碧色深君有秣飼恩孰無千里心

燈下別秦靜夫



皎皎燈燭光屋漏黯東井舉柝歌驪駒使我心耿耿  
行子不可挽番然佩琫鞞千里在足下出門唯所騁  
送君如夢寐回首獨顧影

七言古詩

題熊東谷道長便面

我有八尺龍云是大宛駒御之無良工飼之無青芻  
伏櫪終日鳴嘖然如長吁豈乏千里材仰抹同墓乎  
請君與之粟一石春風馳驟長安都王良與執靶鞞  
衾附其輿整控範不失棣然舞交衢千里萬里若歷  
塊瞬息八極不契需白肉連錢汗流珠乃知逸足天

下無

癸未十二月初四晚舟次安慶是夕風雨而有雷  
電予疑天時之一小變因望余忠宣公祠廟有所感焉作此吊之

孤城爲誰存非感國士恩丈夫志節摧崑崙三郎豈  
識顏平原神徂聖伏開胡元還番此義成乾坤那知  
運厄雲雷屯育風怪雨旻天昏西望岷岷殺氣慘北  
瞻昂畢妖星燔無君無父總狼顧穉王穉帝如鴟蹲  
變夷定知有真主就湯未卜投降旂怒從睢陽作厲  
鬼笑將清水埋孤魂聖皇立極五典叙儼然祠廟江



邊尊歲時父老烝鷄豚我來拜奠惟清罇吁嗟古道  
空獨論淒涼月照千家門

哭劉惟聲司諫

并引

君諱苕四川涪州人以給事中論吏部尚書張綵  
太監劉瑾得竒禍杖之不死削籍為民張綵劉瑾  
既以反誅君用薦為金華知府未幾又為御史潘  
鵬以反誅言者交薦公章且數十當道不得已起  
君為九江兵備副使君竟不赴踰年卒于家

青瑣黃扉託心膺慚愧何能報明主宰臣奄寺作不  
軌將易七廟遷鼎呂先生直節久自許甘心為國擇  
死所尺疏如兵伐凶豎不懼赤手搏虓虎天威熒惑  
亦震怒百杖不斃復氓伍人生何情利毒苦時平逆  
誅衆論舉廟堂無地可容先生之一武金華山好且  
爰處九江清可與魚蝦侶不知先生病癯服藥輒幾  
釜寧復執掌就世畧造物亦竟奪之以為景星卿雲  
耀天宇不欲久昵俗好將同蟲以草木腐我哭先生  
哽咽不能纍湘語陰風入懷淚如雨

題畫竹

烟稍雨葉誰形容畫堂六月生秋風神隨墨散玉瑣  
碎光若影動金玲瓏淇園百竿出肘後渭川千畝生



胸中良工心苦刻成鵠主人珍重看如龍我來不疑  
畫裏見眼青只作林下逢撫摩琅玕思颯颯彷彿鳳  
鳥來雝雝鳴世還能嶰谷種知音誰是柯亭翁雲雷  
昨夜迷大空蘆枝絃化招相從却恐君子棄我如遺  
踪

題王竹泉梅

七七僊人有真訣花開不用花時節吹噓篔簹一夜  
風點綴楂枿滿枝雪香剗羅浮山巖嶸影落西湖水  
澄徹美人亂解環珮晶痴兒笑指珊瑚屑精神朶朶  
嬌貯春心事錚錚便成鍊一陽聊爲試菩蕾群卉不  
敢爭優劣誰將分入畫圖裏冷遍鵝溪縑欲裂凝眸  
彷彿坐衣雲滿壁蕩漾穿窓月安得綠陰青子漸紛  
結金鼎調元衆口悅我把紫泥丸種此陽和到天末  
徧與窮陰慰愁絕

五言律詩

送王生南遊太學

道德雖崇古人材不薄今金陵增地勝壁水浸秋深  
兔榭紛新影鶯花約賞心相逢莫相訝四海一朋簪  
書東湖別意卷以屠侍御之請用顧司寇韻  
告戒一時語激昂千古心詠歌宜叶律珍重可鏤金



雨散花前酒雲迷鳥外林東湖竟何許春水斷橋深  
送聶年兄文蔚進士歸省

問學元通聖文章自有神君才雄變化時運待經綸  
暫慰雙親老寧誇一第新風雲九萬里發軔正麟麟

過東流遇雨

晏歲東流路江雲黯寂寥雨滋帆葉重風急浪花飄  
鴻馬飛何遠蛟龍舞若驕客懷何處遣隔岸酒旗招

次朱仕光道長大晏詩

衣冠遲午漏禮樂盛初筵愧乏周行示惟將故事傳  
幕張丹陛下佾列王堦前梅柳迎春候風雲慶會年

又

再覩南郊禮重叨北闕筵殿庭春色徧輦路異香傳  
淑氣藍縷後輕風麥秀前農夫應望歲聖主已祈年

次揚東岡烏石游韻

有石繁人篆無松蔓女蘿傷悲驚燹伐寥泐引漁歌  
按故地非僻只今官更多五雲瞻舊署三歲愧朝珂

又

險覓冲天路東風正度橋虛聲先入谷長臂每攀條  
孤暝天隨晚層巒路歷遙葛衣雲卧冷宜和寄全栢

慶壽寺齋戒次太史公江景孚韻



舒梓溪先生外集卷之十一  
城忻擊猶亂禪關寂若眠金銀通室白星斗覺天玄  
茗鼎輕翻雪沉爐細裊烟行持何羨佛清境已無邊

春寒

薄露連朝暝輕烟十里迷柳眠鶯懶語芹冷燕深栖  
寶篆更初燼珠簾晝欲低王孫憶芳草半是雨中萋

舒梓溪先生外集卷之十一

舒梓溪先生全集卷十二

外集卷之十二

七言律詩四十二首 五言絕句九首

七言絕句九首 雜體三首

聯句三十一首 詞一首

七言律詩

送林以乘僉憲

昔在彤庭痛哭時敢知天日詎光移夷陵地關君便  
唾市舶山名我足詩風雨幾番難見面冰霜三載易  
侵姿于今共喜重逢日鴻鴈嗷嗷未是悲



壬申兵至豫章有作

十萬貔貅壓豫章  
黃埃散漫日無光  
先聲已靜狐狸窟  
殺氣虛騰燕雀堂  
八桂致師勞太尉  
五丁開道笑秦王  
相逢莫話桃源樂  
留得柴扉樂更長

感時

御筆親題墨未乾  
長安雖好亦難安  
九重宮闕浮雲蔽  
萬里江山赤子寒  
半夜人爭搖狗尾  
一封誰肯犯龍顏  
鳳凰臺上歸宜早  
不作痴聾瘖啞官

送人之任

長安春盡灞陵西  
篤速東風送馬蹄  
紅雨花迷人遠

近青山雲印樹高低  
民哀鴈澤雖安集  
士望龍門賴品題  
千里大將明命賦  
行看功最籍金閨

送人之楚

碧帆千里貯長風  
去處無因七澤通  
雲雨謬懷巫女夢  
瀟湘堪奠屈原忠  
嘉魚穴畔苔花盡  
回鶴峰前木葉空  
莫惜好音來得我  
笑騎黃鶴挾仙翁

秋日懷友

片片涼風下井梧  
美人千里隔江湖  
尺書未寄南來鴈  
雙鳥空飛北去鳧  
每日惟應歌伐木  
重陽誰共醉茱萸  
浮生聚散真無定  
總爲紛紛世故驅



悲秋

新涼漸覺井梧稀不獨輕商透葛衣故國有懷鱸正  
美玉人難別燕于飛地偏佳菊仍荒徑晝短高榆易  
落暉吾道蹉跎亦天道笑伊騷怨苦衣違

北上鷹河阻風

露落孤舟却夜行鷹河日暮且須停映窓火色人家  
近隔板波聲客夢驚水入柁楞流去響風吹魚網過  
來腥長年三老休留苦明月南風定稱情

朝回

彈冠重上鳳凰池風景熙明又一時秩序舊聞周典  
禮森嚴纔見漢威儀二三耆德班行重九十名儒館  
閣輝媿我何能堪補報朝朝環珮也追隨

燈花

何事燈花報喜開十分春色滿銀臺兩條放出雙龍  
種一炮輕敲二月雷文焰直冲寒射斗壯心未許暖  
成灰玉堂後夜承優詔人在金蓮影裡回

送朱廣仁之任潯州

一樽曾共醉花前遙憶金陵思渺然分手又當爲客  
日忘情喜是拜官年蜻蜒漫有薰風旆驄馬渾驚落  
照鞭桂嶺未須憐遠別豸冠應待肅班聯



初見內閣前芍藥

春去偏於紫閣繁風來嬌傍玉堦翻  
竒葩不獨驚人眼賸馥還應黯蝶魂  
七相禎祥成故事九重雨露借殊恩  
洛陽苑囿非無種貴賤情知在托根

送鳳來年兄歸省次楊太史韻

秋風六翮快逍遙何事承恩上碧霄  
劒氣遠看凌棧閣文光寒欲軋星杓  
名山古寺新題勝野水荒村旋築橋  
愧我徒勞望斗牛祇將詩興寄參寥

送王莘年兄省親

西風相送出都門慷慨同袍未細綸  
紅樹馬前迎去旆碧沙鷗外引芳樽  
仙舟只許時流望優詔何當國士恩  
今夜我應眠不得露寒蜻蛚斷歸魂

送謝年兄宗文歸省

一霎西風凍雨來長安如晝淨秋埃  
誰於驢背尋詩去人自龍頭奪錦回  
慷慨喜酬題柱志經綸猶望濟時才  
還朝定在嚴冬日珂珮仍叨王仗陪

送人歸楚

樾樹重雲隔楚天從君又上洞庭船  
思家我亦愁千里爲客誰能耐百年  
流水荒山撩野興落花飛絮送春妍  
壯遊莫便誇清散四海蒼生正倒懸



挽友人

凍雨青燈老一經東風吹夢入蓉城落花滿地渾無  
主芳草含煙謗有情千里故人來解劍十年幽谷嘆  
寒盟蜀魂飛去青山暮化鶴歸來月正明

挽傅兵馬

十載勤勞報主恩直將狼角叫天闍城中赤子無冤  
獄劍上紅豪有血痕花落故園迷醉夢雲歸香壠黯  
遊魂夜深兒女高聲哭腸斷孤山幾樹猿

雪後送人歸江南

曉雪同雲四野連滹沱冰似漢時堅隨風繚繞車塵

淨踏凍凌競馬足便紅粉滿樓初入趙青山百里尚  
圍燕到家人問皇都景絕勝江南二月天

挽陳希陽鎮江通判卒于官

宦邸遊魂竟莫招涕痕隨處濕金貂忠勤未見如周  
典核實空聞說漢朝後夜啼鶻花自苦何年歸鶴海  
天遙京江嗚咽渾長恨不獨錢塘有怒潮

留別許舍人文燦

謾將心事話連床魂夢凄然此夜長萬里風雲雙散  
屣十年沔漢一空囊情如桃李偏愁雨性似芙蓉未  
怯霜明日丈夫成好別莫隨岐路挽衣裳



初九夕入山次韻

月明如晝萬燈消松栢幽通一道遙寢殿音容瞻彷彿茂陵功德仰昭峽鐘聲鏗鎔深傳谷馬足凌兢細渡橋灌罷不勝多感慨暖風渾為病軀饒

二月初十日恭遇李皇后忌辰得陪祀

茂陵初八日早出安定門次韻

烟氛喜向曙光消破曉應堪繞郭遙龍尾星芒垂錯落馬頭山色隱昭峽漸看王氣明宮殿欲把新題付野橋况伴風流名學士陽春絕倡興偏饒

善養樓

邃庵楊老先生得老時敕諭有善養天和字故作樓以示寵榮

善養樓高接大荒主人渾已見羲皇花香鳥韻常春事海色江聲自夕陽玉帶金魚從拍戶朱唇皓齒未傳觴他年更問平章宅始信君恩天地長

送李明德謫揭陽

塵起車輪暗鳳城柳烟花霧自陰晴又醒風雨江南夢空憶鳧鷖谿畔盟未了青編朝罷閱無因白髮夜來生揭陽地熱秋無鴈別後憑誰遠寄聲

哭忠節許公詩

宗室發難人多以成敗為順逆宸濠之反况有陸完鎮寧為之所哉苟非巡撫孫公德誠兵備副使



許公汝登當日死義則君臣之道廢而人心之是非莫適從矣既而進賢知縣首誅其起兵官校婁伯等明日潤陂巡檢餘干知縣亦殺其校尉其往萬年東鄉二縣起兵招致強盜者二知縣皆拒之而萬年知縣使人於龍窟邀賊糧事爲頗竒賊檄至撫州知府率所屬拜迎臨川知縣不平俟捧檄教官唐曰仁及生員出執之以送益府此皆義兵未舉之先可錄者也及巡撫王公舉兵吉安鄉官亦起義兵可謂無所爲而爲者矣各府縣不由巡撫徵兵而自激發於義者惟萬安知縣瑞州通

判耳而萬安知縣臨機制變以小艇載葦放火覓土人作建昌人語者就賊巨艦計擒宸濠事爲尤竒惜乎今之錄功者皆不及也或曰安慶之功爲誰曰曰楊銳張文錦已書降旗將豎之指揮崔文斬其旗擒潘鵬之子戮于城上以徇乃議守則濠以黃石磯之讖遂撤兵而去矣曰南京之功曰不知曰孫許贈官亦足報與曰綱常之功亦社稷之功也雖爾公爾侯有何過哉

宗室稱兵孰是非先生一死懂皇威圖書又見彝倫重史冊休將節義歸國難間關惟木石時平富貴



總脂韋傷心宇宙無窮事淚落西風血點衣

送周廷臣以松江推官調重慶

巴渝萬里入雲端世道惟應蜀道難山勢似圍重壁  
險灘聲如怒七門寒盛時文治初頒曆遺俗巢居尚  
閣欄惆悵送君還倅郡城南風雨路漫漫

復汪德聲憲副

朝回忽送故人書雀躍開緘問啓居有道髮毛寧雪  
似憂民顏色却何如青雲事業還看盛白下交游漸  
賁踈十載金陵如一夢浮生真共蝶蘧蘧

送石潭汪宗伯次韻

南薰靡草易驚秋黑髮何妨便泛舟繞關雲霞猶在  
望打篷風雨未須憂尚書舊是公家物議禮原爲世  
道謀清世幾人忘紱冕滄波無伴咲鳧鷗

送陳德英陞太僕少卿之滁州

滁陽山勝是琅邪寒入滄江碧染沙昔許醉翁成隱  
處今輸太僕寄官衙銓衡乍釋軍機重原隰新看馬  
力賒兵甲未須夸小范訐謨還待獻重華

病中次盧師陳留別秋懷

江外雲山抹翠眉望來非爲素秋悲又違白髮期年  
養空讀皇華四牡詩社日辭巢憐燕燕寒風掃葉惜



枝枝故人別去吾猶住病似僵尸髮又絲

病中賣馬

花鬃汗血亦神駒不遇王良十歲餘  
蹠變故知追去電凌兢還解慎危途  
嚙銜乍逸秋霜早伏櫪長鳴夜月孤  
此日涓人求俊骨一鞭千里志應舒

送胡舜居守池州

諫垣每聽危言上大郡還勞善政施  
民社蚤膺千里寄君才真受九重知  
家連壤地通吳語江撼秋聲送楚辭  
宰輔正思登漢道公車行見進台司

又

轉避迴巒一徑深直窮烏石最高岑  
爲將佳節酬孤興應被旁人識壯心  
山勢比來雲萬疊潮頭東望雪千尋  
揮毫欲掃烟嵐淨風雨今朝未許侵

又

幾經石梁幾雲堆却坐隣霄絕頂臺  
日月星辰隨候轉東西南北自風回  
偶來方外留僧偈且向亭中酌彼壘  
隊雀群狙休作使更將踪跡與人猜

又

壯懷寧解賦悲秋得伴還爲汗漫遊  
酒債又因佳節重詩篇常爲好山留  
遙憐宮闕中天隔不信烟霞



此地幽翹首東溟風未定萬漚隨浪若生浮

留別王汝昌王忠夫

滄江魚下水初寒千里空名一棹還浪迹渾忘羈思  
苦多情唯別故人難燈前傀儡欺真眼塞上琵琶累  
玉顏搔首未應成浩歎風雲吾道豈坭蟠

春日宮怨

監宮時引出昭陽或謁東朝或上皇 詔賜金錢三  
節重夢回羅帳五更長昭容有待趨仙仗新寵何人  
掃御床但保朱顏似桃李君心非是九秋霜

雨後望泰山

春陽約我踏崔巍地逼星河手欲揮萬壑風烟盤石  
磴半林桃杏妬霞衣白雲歸洞龍閑卧翠黛橫空鳥  
畏飛七十二君編錄後到今封禪事應稀

花下醉

滿懷歌舞擁柔荑日暮罇空欲似泥一醉自應消萬  
慮獨醒寧復是三閭迎風坐處携花影踏月歸時住  
馬蹄寄語湘陽諸小子相逢休唱白銅錕

客窓夜雨

東風吹雨打窓紗况是青春未到家誰爲剪殘今夜  
韭獨憐開盡故園花寒侵野寺鍾鳴遠聲雜更籌漏



蘇東坡集 卷之三十一  
點加更是關心不成寐桂薪炊玉厭京華

五言絕句

別梅百一

惆悵意中人更爲客裏別斜陽下牛背徒使我心怛

送朱必東

交君日甚淺識君心甚深我豈有絕識秋陽是君心

又

東風吹帽側曉氣侵衣寒陰塵復撲面嗟哉行路難

縣中歸馬上口占一絕

山路多荆棘時有幽香發乃知椒蘭芳草木自窮達

邃庵公善養樓四景東曰朝陽

窓含海氣寒簾射扶桑影童子報新晴春夢枝喚醒

南曰見山

莫謂登山險於山亦無得只向此樓中變化盡山色

西曰觀稼

西風滿地金狼戾吾人食漫言方社神總是農夫力

北曰看竹

水國秋早涼天還試冰霜俗物凋若歸留得千簣篋

送呂涇野鄒東郭外補

陰風易水畔暮日黃金臺送君撫商絃絃絕心悲哀



七言絕句

孤雲

一片孤雲逐漢飛東西終日竟何依  
傍人莫道能為雨惟恨青山未得歸

送靳先生歸

我愛先生美如玉我來白駒已空谷  
逍遙幸是未老年着意著書我還讀

送何同知之南昌

城中機杼萬家空城外溝渠卧老癯  
惟有西山風物勝願君遊樂與民同

題石崖書屋

青山書屋著文章瀨石何妨老夕陽  
却笑陳人無住處秣陵三歲蹇驢忙

益齋

野人踪跡寄雲岑竹樹幽通一徑深  
今古文章堆滿屋東風不受蠹魚侵

漁隱

春波綠淨見魚蝦鷗鳥忘機興自賒  
明月莫吹湖上笛有人離別怨梅花

漫書二絕

...



日照園花粉蝶輕東風高柳緩啼鶯天涯遊子負春  
色空有故鄉千里情

二

處處春山杜宇啼家家燕壘濕添泥行人萬里未歸  
得遠樹白雲雙眼迷

對雨有感

北風吹雨自瀟瀟漲浪何如江上潮明月潮來江岸  
沒瀟瀟三日未平橋

鳳谷一見

雜體

八音吟

金屋當年許寘身石田今日未全貧絲堪補綴蠶無  
力竹解飛騰龍自神匏繫誰憐尼父困土崩曾爲漢  
王陳革年又值秋風起木末芙蓉照水新

遊春

春天春日競春華春水春山春色嘉岸柳戀鶯鶯戀  
柳野花迷蝶蝶迷花尋芳子入遊芳伴買酒人投賣  
酒家滿路客歸歸馬倦馬頭相對日頭斜

一字至十字

題鳳

鳳凰瑞靈珍重德莫加才難用阿閣無聲岐山有夢



蕭韶奏九闕律呂音初中未緣竹實萋萋豈爲梧桐  
奉奉羲黃姚文垂衣裳夔契周召列侍從千年寂寥  
不見其至百鳥喧啾爭恣其弄讎啗偶聞若出應陽  
明聾聵遂起如蟄驚雷動任楚狂敢忘衰世以嘲吟  
愛卷阿取譬吉人以歌詠

聯句

庚辰歲元夕後二夕飲越坡宅同郭子三人  
聯句往時會則平嵩必在茲以乃堂太夫人  
違和侍湯藥不至故末聯及焉芬志

蒲城燈火鼓淵淵芬眼看韶光又一年花鳥未須驚

綠鬢坡春陽惟與和朱絃長安到海方知遠芬底柱

中河始信堅世事何能捫蝨論昭只馮刊研寫詩篇

二

吹藜此夕謝餘光昭海蠓重燒玉漏長門外未愁風

雨暗芬座中猶有蕙蘭香眼因道義俱青放坡心許

忠誠盡赤將惆悵嵩卿似天末昭獨知著木說高堂

三

高燒銀燭照青春坡酒韻歌聲動鬼神人事幾番文

字會昭朋簪多把肺肝陳東風病骨欺梅瘦芬北極

深恩入夢頻聞道長江滿旌旆坡未應愁絕杜陵人



芬

是夕也酒數行燭花盛開竒幻變態不可盡狀  
因為聯句賞之

蠟似欺長夜芬花如報早春銀臺開欲滿昭王藻飾

初勻細葢迎風怯坡柔莖向暖伸低含紅雨潤芬斜

倚綠烟新調化存元宰昭觀光集上賓根雖生頃刻

坡物敢妬逡巡桂栗籠丹幄芬榴葩破絳巾蔓分貪

結子昭爆響喜留人婉婉鸞嬌女坡亭亭鵠立臣翻

翩音翡翠芬蹙蹙瘦麒麟突突瓊樓閣昭重重繡褥

裊茸茸汀蓼似坡朶朶海棠真文焰還衝斗芬輝光

許照隣篆將香引蝶昭簾晃影驚信薦拔寧疑郢坡

豪奢肯代薪相期明達旦芬一剪一精神昭

三月十日戊戌清明越明日蔡子自洪塘來

過因邀廖子郭子同飲得聯句一首明日舒

子錄之

萬家新火起青烟芬人事天時又一年坡乳燕遊絲

風雨後昭來牛去馬夕陽前經宮中遺事聞傳燭昭

綿上深恩感賜田坡欲向雲龍試春服經浴沂還憶

魯人賢芬

六月八日飲郭子橋西草堂聯句

辛溪外集

卷之三

七



濕蒸絺綌汗成漿舒小款橋西在晚涼高論風生還  
子在郭大篇時續到君長獨憐竹柏含秋翠廖應咲  
童梁傲日黃何處野塘飛屬玉舒相携濯熱更翱翔  
郭

二

膽桃沉李戰炎蒸廖未似薰弘一奏能客願主人休  
勸酒舒我教童子更開冰便依修竹穿幽徑郭漸覺  
銀蟾渡玉繩故事有詩歸未得舒春蠶鳴葉上觚稜  
廖

三

小齋清晝共聞蟬郭剛愛蘭風坐晚天幽興周還還  
藥圃廖疲農辛苦尚芸田顏曾未必能忘世舒伊傳  
分明利濟川說與傍人應不解郭逍遙寧是漆園篇  
廖

庚辰春正月甲寅飲郭子澄卿宅用榕江林  
子素翁老先生韻贈張惟喬淨峰同聯者舒  
劉廖及張郭凡五人

同年三百道相如舒天地生人又一初閩水有情春  
送棹劉塞鴻無恙夜來書詩成綵筆雲連掃廖紅滿  
膽瓶梅正舒賦罷遠遊誰與和張烟波渺渺正愁予



郭

二

春霽橋西雨劉商歌本不卑愁人尊酒盡廖卧病一  
舟宜憶昨心猶壯張憐今路正岐杜陵邨可作郭心  
事草堂知舒

三

春別琴書雅廖新詩夢汝賢風塵驚滿眼張道誼喜  
同年奎照三山裏郭雲橫五座前金陵渾在望舒君  
去亦登仙劉

四

淑世應多慮張逢君可自寬晴雲看照戶郭光景嘆  
驚湍日月孤臣疏舒鸞鳳國子官春江明發棹劉百  
丈上平灘廖

五

剛喜新晴別淨峰郭欲將絲線繫蒙艫野雲片片寒  
猶在舒花樹茸茸酒更供此日論心還翦燭劉當年  
携手憶聞鍾丈夫事業存青史廖敢道無才亦協恭  
張

天之不雨五旬矣七月十一日丁酉先有雨  
意而未可必得雨也平嵩越坡來訪久坐薄

卷之二

七



暮乃雨因喜消災瘴摘蔬酌二公秉燭且洗

研請聯詩志事迺得喜雨聯句二首梓溪志

誰能赤手挽天河劉俄化商郊萬頃禾欲問神功還

寂寂芬喜傳農抃盡嗟嗟儒酸未了憂時論昭

帝力何知擊壤歌千載焚巫堪一慨揚休徵原在此

心和芬

二

初秋一雨得催詩昭草榻清論此夜宜歲旱漫馮嚴

老作揚零宗應笑女巫祈山衙病客全消渴芬原野

罷農喜及私憂國願豐心尚切昭賑饑還復慮無奇

庚辰秋八月望前一日同舒子梓谿廖子越

坡郭子方崑飲劉子平嵩家成嘉會聯句觀

齋方瀾志

西風陣陣送瓊觴瀾多謝天公假會良芬移席待詩

鳴鳥過昭滿爐添篆好花香波餘青猶帶前宵雨揚

寸赤長懷薄曉霜澤明日官舡又南北芬嶺雲千里

寄相望昭

二

聯句燈花一濫觴芬是年元夕會越坡宅有不教風

月領宵良昭百年道義常傾倒坡滿室芝蘭自蕊香



楊 烏石山看供几研瀾 青田核恐負星霜芬 鳴蛩草  
砌將秋半昭 搔首嵩樓幾北望坡

次日中秋又同劉子蔡子郭子廖子飲梓溪  
舒子官舍聯八首時余與劉蔡郭同北上廖  
子初未行乃詩多別情

性拙嫌道孤同志復遠去芬 千里在明朝鴻鴈知何  
處坡 谿坡人漸遠落落竟誰語揚 睽茲嘉會艱欲把  
斜曛駐瀾 長途月影冷思君久延佇經 思君夫何如  
莫忘烏山樹昭

二

梓谿留飲正中秋瀾 去住真令各抱愁經 好雨滿天  
清客路昭 長風萬里動仙舟揚 莫辭今夕待明月芬  
猶勝他年憶小樓坡 卮酒相看拚盡醉瀾 山城不用  
報更籌芬

三

方劉蔡郭別懷新昭 劍氣文光倍照人芬 律律青山  
秋雨後坡 招招彩鷁越江濱揚 帶圍寬盡元非病瀾  
書籍搜窮未近仁芬 皓首古來期令德經 願言聞教  
便書紳揚

四



忽忽三秋別悠悠千里心坡山雲蒸雨未江棹促行

今揚繾綣主人席殷勤戍歸砧瀾廟廊長入夢道義

共開襟經志切魚和水憂懷鶴在林昭流光憐過隙

華髮漫窺簪芬

五

榕江千里寄新詩經班管雲箋慰所思昭北地風塵

秋已淨芬南天星月夜何其波涼齋屬句淹行客揚

翰苑揮毫媿大兒瀾款洽溪亭文字飲經不堪明日

又睽離芬

六

時秋八月十五日揚雷聲送雨來庭堂瀾一霎新涼

上客衣經百年清興扛詩筆昭風潮鼓棹美人遠芬

塵路驅車憂思拙坡請君共看南山雲揚濕附龍鱗

訝相失芬

七

主人行楮復催詩揚自愧才非宋王奇瀾道合正須

呈肺腑經情長何惜到玻璃波風蘿曳曳吹秋月揚

露荔葱葱晷夕曦芬二客已歸還刻燭昭時蔡郭

有事先去白雲烏石亦相宜

八



月來庭戶光滿筵涼風萬里澄南天揚墻根蟋蟀韻  
自古澗底靡蘿清不眠昭江舟十日共誰子好花百  
丈已千里闌青雲故舊信如雨海上無鴻秋獨竚芬

九日聯句

臺江如練帶平田梓谿五虎連雲下遠天九日風光  
來古往平嵩八閩佳興聚尊前梓谿縣厓舊篆平幽  
蘚平嵩繞樹新絃雜晚蟬梓谿莫向齊山誇酌酹平  
嵩獨醒還是楚人賢梓谿

二

勝覽幽尋我亦曾梓谿不妨高處最遲登越坡江山

有待酬佳節浴陽去住無因問老僧梓溪雜坐不知  
誰是客東岡百壺頻送喜來朋越坡詩成斜日將孤  
暝平嵩歸路連城照葦燈梓溪

十日聯句

老佛庵前秋日斜平嵩幽尋丹竈又仙家梓溪頻看  
石篆摩苔迹東岡漫引村醪泛菊花浴陽今古幾番  
真率會越坡乾坤何限廢興嗟平嵩無端心緒關  
廊廟敢謂江湖萬里賒梓溪

二

竹稍風定露華溥梓溪野外迷茫夜色寒平嵩人傍



劍光瞻北斗 東岡 佛傳燈影出層巒 梓溪 不妨白戰

延清賞 越坡 却怪黃昏妬大觀 浴陽 何日約君還載

酒 梓溪 披圖次第閱巉峽 平嵩

正德庚辰八月十八日方觀齋思源舒梓溪

劉平嵩蔡半洲廷彝郭方崑 浴陽又號 暨昭

重遊常竹西主人携酒酌荔樹下登環峰亭

且以為方劉蔡郭別因得聯一章次日昭敬

錄之

登高何必待重陽 方 逢着山人便舉觴 舒 松栢翠蟠

千古色 郭 菊萸青送半秋香 劉 石磴坐闌還易榻 蔡

草亭遊徧更回廊 蕭 離情暮日惟搔首 舒 目極冥鴻

霄漢長 廖

東觀聯句

方車過宮村 舒 樹杪日出岫魯望半烟開 伍 任城但

雲漏涼氣薄絺衣 舒 韶光落珠斗麥秋雙雉飛 伍 沙

暖昆蟲走田家足雞豚 舒 鄉社豫芻狗乾封雨不來

伍 旻覆人常壽野馬漫網緼 舒 山龍將抖擻民遺不

如周 伍 天對寧似柳東海或有徵 舒 桑林亦非偶伊

誰濬百泉 伍 頃刻灌萬畝攜筐餉婦回 舒 執轡僕夫

吼行行平驛除 伍 望望孔林茂過充山門墟 舒 入魯



天開宙數何欲窺墻伍六籍自藏數玄黃判吾躬舒  
丹青倩誰並穹碑龜作趺伍老檜螭蟠紐文閣照西  
奎舒中門揭東阜廟貌十二旒伍禮樂三千圖駿奔  
鷺溪毛舒象柱浮黍酒精誠可格思伍盼蠻其知否  
敢謂夙心酬舒安得群疑剖啓聖更瞻前伍延賓歇  
開后今我轉高岡舒煩君振行袖今古此堂封伍夷  
夏共城守駐蹕草猶香舒築塲室何有文木鳥不棲  
伍古隧獸如閉網山紫盎春舒洙水碧澄畫作經遺  
故居伍登壇見新構夢周入廟荒舒希顏尋巷陋大  
遊難為言伍小憇易相就顧瞻玉樹繁舒承襲金符

久傾蓋便忘形伍問諱却稱某仰看紫薇仙舒旁及  
白雲叟一旦禮聖賢伍再拜謝朋友願言長追隨舒  
逸駕超群鷺伍

詞

送陽明王先生還朝帳詞

代府縣撰

伏以河清千里矯然龍見在田日麗九霄蔚若豹  
變於霧故將大有爲之主必有所不召之臣國祚  
斯隆人文以著恭惟大中丞王老先生世基吳越  
宿列尾箕橋梓呈芳不羨槐陰滿地菁莪鳴盛真  
看業擅專門蚤汎覽於百家終要歸於一貫措諸




事業禮樂其興乎燕及邦家不仁者遠矣近以討  
平寧賊重勞巡撫仁人百度以貞五常大順乃知  
身教善自勸而惡自威誰謂官尊勢難親而情難  
達茲當 詔命召補台司將舉一世而甄陶豈依  
列郡之睠顧某等押班雖後轍膺禮下之恭守地  
不踰或得席前之教著龜偶失政令孰咨南浦之  
碧波難爲別賦西山之青爽願服誨言詞曰  
舸艦迷津旌旗蔽日連天金鼓殷殷南州九市百  
丈藹紅塵謂是中丞趨赴召爭相送社稷元臣  
恩稠疊黃麻紫誥鼎鼐待甘辛故園經過處緋袍

白髮須省嚴親計人生樂事無過天倫更看陽明  
山色秋罨畫姚補青粼怕更道功成身退吾道即  
吾真

右調滿庭芳



舒梓溪先生全集卷之十二



舒梓溪先生全集卷之十二



